



Pranuar / Dorezuar Prijemeno/Predato Received/Delivery	23.12.2020	viti god year	0
Organ /Njësia Organ /Jednica Org /Unit	Nr Prot Br Prot Prot No	Shtojca Pilog Appendix	Sasia Kolicina Quantity
SNIMSHK	3273/2020		1/4



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr. 352/2020

Këshilli i Pavarur Mbikëqyrës për Shërbimin Civil të Kosovës – Kolegji për Shqyrtimin dhe Vendosjen e Ankesave i përbërë nga: Arben Mehmeti-kryetar, Ardita Haxhnikaj-Demi dhe Eshref Shabani,anëtarë,si dhe Sabile Avdyli,Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr. 352/2020, të datës 12.11.2020,të parashtruar nga N.N,me adresë banimi në Skenderaj, kundër organit të punësimit Ministria e Infrastrukturës, në çështjen juridike “ kërkesë nga marrëdhënia e punës”,duke vepruar në pajtim me nenin 6 paragrafin 1.1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 03/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 23.12.2020, në mënyrë unanime mori këtë:

V E N D I M

REFUZOHET si e pabazuar ankesa me numër A.nr.352/2020 e datës 12.11.2020,e parashtruar nga ankuesja N.N.

A r s y e t i m

Ankuesja N.N, me datë 12.11.2020 ka parashtruar ankesë në Këshillin e Pavarur Mbikëqyrës për Shërbimin Civil, me pretendimin ankimore se ankuesja i ka plotësuar kushtet ligjore për deklarinimin e statusit të nëpunësit civil sipas nenit 8 lidhur me nenin 83 paragrafi 2 dhe 3 te Ligjit NR.06/L-114 për Zyrtarët Publikë dhe nenit 4 paragrafi 3 dhe 4 të Rregullores NR.10/2020 për Deklarimin e Statusit të Zyrtarëve Publik.

Këshilli i Pavarur Mbikëqyrës për Shërbimin Civil, me datë 17.11.2020, ka dërguar tek Ministria e Infrastrukturës kërkesën për përgjigje në ankesë me numër protokollit 2618/2020. Me datën 23.11.2020, Këshilli ka pranuar nga organi i punësimit përgjigje në ankesë me numër protokollit 2708/2020 se bashku me shkresat e lëndës.

Kolegji për vërtetim i plotë dhe drejtë të gjendjes faktike si dhe vendosje meritorë të çështjes ka administruar këto prova: Ankesën A nr.352/2020, e datës 12.11.2020, drejtuar Këshillit të Pavarur Mbikëqyrës për Shërbimin Civil të Kosovës; E-mail zyrtar i datës 12.11.2020; Marrëveshje për Shërbime të Veçanta prej datës 01.02.2018 deri më datën 31.07.2018; Marrëveshje për Shërbime të Veçanta prej datës 01.08.2018 deri më datën 31.01.2019; Marrëveshje për Shërbime të Veçanta prej datës 01.02.2019 deri më datën 31.07.2019; Marrëveshje për Shërbime të Veçanta prej datës 01.08.2019 deri më datën 31.01.2020; Marrëveshje për Shërbime të Veçanta prej datës 01.02.2020 deri më datën 31.07.2020; Aneks-Marrëveshje e lidhur ndërmjet Ministrisë së Infrastrukturës dhe N.N e datës 03.02.2020- deri më datën 30.11.2020; Rekomandim për vazhdim kontrate" Marrëveshje për Shërbime të Veçanta " për N.N e datës 22.01.2019; Rekomandim për vazhdim kontrate" Marrëveshje për Shërbime të Veçanta " për N.N e datës 12.07.2019; Rekomandim për vazhdim kontrate" Marrëveshje për Shërbime të Veçanta " për N.N e datës 20.01.2020; Diploma e datës 11.02.2019 me nr.1154 për N.N e lëshuar nga Fakulteti Filozofik në Universitetin e Prishtinës "Hasan Prishtina" Master i Arkivistikës; Vendim i datës 20.12.2018 me numër protokollit 5095/18; Vërtetim i datës 15.05.2017 me nr.01/171/17 i lëshuar nga kryeshefi Ekzekutiv i Agjencisë Shtetërore të Arkivave të Kosovës; Rekomandim i datës 21.06.2017; Vërtetim i datës 15.05.2017; Informatë e datës 17.07.2020; kërkesë e datës 02.03.2020 me numër protokollit 2513 dhe Përgjigjen në ankesë e datës 23.11.2020, me numër protokollit 2708/2020, me shkresat e bashkangjitura.

Kolegji për Shqyrtim dhe Vendosje të Ankesave, pasi ka shtjelluar dhe shqyrtuar të gjitha shkresat e parashtruar nga palët, ka konstatuar se ankesa e ankueses N.N, është e pa bazuar sepse:

Kolegji konstaton se janë plotësuar të gjitha kushtet për shqyrtimin e ankesës, në kuptim të pranueshmerisë së saj, siç përcaktohet me nenin 129 të Ligjit Nr.05/L-031 për Procedurën e Përgjithshme Administrative dhe nenin 83 paragrafi 17 të Ligjit Nr.06/L-114 për Zyratë Publike.

Kolegji ka analizuar pretendimet ankimore të ankueses, e cila pretendon se ka plotësuar të gjitha kushtet ligjore, që ti pranohet deklarimi i statusit të nëpunësit civil sipas nenit 83 paragrafi 2 dhe 3 të Ligjit Nr. 06/L- 114 për Zyratë Publike dhe Rregullores NR.10/2020 për Deklarimin e Statusit të Zyrarëve Publike, duke kërkuar nga Këshilli që të miratoj në tërësi ankesën e saj.

Pas shqyrtimit të shkresave të lëndës, Kolegji për Shqyrtimin dhe Vendosjen e Ankesave ka konstatuar se ankuesja, ka krijuar marrëdhënie kontraktuale (Zyrtare e Arkivës) me Ministrinë e Infrastrukturës, për kryerje të shërbimeve të veçanta nga fusha e detyrave dhe përgjegjësi të Departamentit të Financave dhe Shërbimeve të Përgjithshme pa asnjë procedurë të rekrutimit.

Fillimisht, ankuesja ka lidh marrëveshjen bazë për shërbime të veçanta me datë 01.02.2018, në kohëzgjatje nga 01.02.2018 deri 31.07.2018, pastaj ka vazhduar me tej me marrëveshje

tjera për shërbime të veçanta po në kohëzgjatje prej 6 muajsh pa ndonjë proces të rekrutimit. Marrëveshja e fundit për shërbime të veçanta është lidhur me datë 03.02.2020 për periudhën nga 03.02.2020 deri 30.11.2020, e cila marrëveshje bazuar me Aneks Kontratën e datës 01.07.2020 është vazhduar deri me 30.11.2020, nga shkresat e lëndës kolegji gjenë se ankuesja nuk ka asnjë vlerësim të punës.

Nga përgjigja në ankesë, Ministria e Infrastrukturës ka deklaruar se në kuadër të Departamentit për Financa dhe Shërbime të Përgjithshme nuk ka pozitë të lirë pikërisht për pozitën Zyrtare/i e Arkivës.


Ligji për Zyrtarët Publikë përkatësisht neni 83 paragrafi 2 ka përcaktuar "2. Një punonjës aktual, që nuk e ka statusin e nëpunësit civil sipas Ligjit të Shërbimit Civil (03/L-149), por që e mbanë një pozitë, e cila është pozitë e Shërbimit Civil për nga funksionet dhe përgjegjësitë sipas nenit 2, paragrafit 3 të këtij ligji, do të emërohet si nëpunës civil sipas këtij ligji, nëse i plotëson këto kushte: 2.1. ka qenë në marrëdhënie pune në një institucion të administratës shtetërore apo në një institucion tjetër shtetëror së paku dy vjetët e fundit para hyrjes në fuqi të këtij ligji ;2.2. i plotëson kërkesat e nenit 8 të këtij ligji, dhe 2.3. është vlerësuar për rezultatet në punë në këto dy vjet të paktën "mirë". Në kuptim të këtyre dispozitave ligjore, Kolegji vlerëson se për deklarim të statusit të nëpunësit civil të një nëpunësi i cili nuk ka statusin e Shërbyesit Civil sipas Ligjit të shfuqizuar për Shërbimin Civil Nr.03/L-149, kërkohet që nëpunësi në fjalë të ketë krijuar një marrëdhënie pune sipas një akti të rregullt juridik respektivisht të ketë krijuar marrëdhënie pune të karakterit juridiko-administrativ, pozita e të cilit për nga detyrat dhe përgjegjësitë bazuar në Ligjin për Zyrtaret Publikë konsiderohet pozitë e shërbimit civil, marrëdhënia e punës të jetë krijuar se paku dy vjet para datës se hyrjes në fuqi të Ligjit për Zyrtarët Publikë si dhe të jenë plotësuar kushtet e përgjithshme dhe të veçanta të përcaktuara me nenin 8 të Ligjit për Zyrtarët Publikë, i cili parasheh " Kërkesat e përgjithshme për pranimin e zyrtarëve publikë janë: 1.1. të jetë shtetas i Republikës së Kosovës; 1.2. të ketë zotësi të plotë për të vepruar; 1.3. të zotërojë njërën nga gjuhët zyrtare, në pajtim me Ligjin për Gjuhët; 1.4. të jetë i aftë në pikëpamje shëndetësore për të kryer detyrën përkatëse; 1.5. të mos jetë i dënuar me vendim të formës së prerë për kryerjen e një vepre penale me dashje; 1.6. të mos ketë në fuqi një masë disiplinore për largim nga një pozitë e zyrtarit publik, të pushuar sipas këtij ligji. 2. Përveç kushteve që parashikohen në paragrafin 1 të këtij neni, kandidatët, për t'u pranuar si nëpunës civilë, nëpunës të Shërbimit Publik dhe nëpunës administrativ dhe mbështetës, duhet t'i plotësojnë edhe këto kërkesa: 2.1. të kenë nivelin e arsimit dhe përvojën e punës të kërkuar për pozitën, kategorinë, klasën apo grupin përkatës; dhe 2.2. të kalojnë me sukses procedurat e pranimit, sipas këtij ligji" si dhe nëpunësi duhet të ketë rezultate të mira në punës se paku për dy vitet e fundit. Andaj, mbështetur në këtë konstatim si dhe bazuar në shkresat e lëndës, Kolegji konstaton se ankuesja nuk ka krijuar një marrëdhënie juridike-administrative me Ministrinë e Infrastrukturës, por një marrëdhënie kontraktuale më qëllim të kryerjes se shërbimeve të caktuara për një periudhë të caktuar kohore, ashtu siç parashihej me nenin 12 paragrafi 4 të Ligjit të shfuqizuar Nr.03/L-149 për Shërbimin Civil, ku thuhet "Emërimet me afat të caktuar për një periudhë më të shkurtër se gjashtë (6) muaj do të bëhen në bazë të kontratave të quajtura "Marrëveshje për shërbime të veçanta" të cilat i nënshtrohen Ligjit për Detyrimet dhe për të cilat zbatohet një procedurë e thjeshtësuar e rekrutimit".

Po ashtu, bazuar në nenin 84, paragrafi 1 të Ligjit NR. 06/L -114 për Zyrtarët Publikë, Kolegji për Shqyrtimin dhe Vendosjen e Ankesave ka konstatuar se marrëveshjet për shërbime të veçanta të lidhura para hyrjes në fuqi të këtij ligji, do të jenë të vlefshme vetëm deri në afatin e përcaktuar në këto marrëveshje ku citojmë "Marrëveshjet për shërbime të veçanta, sipas paragrafit 4 të nenit 12 të Ligjit të Shërbimit Civil nr. 03/L-149 të Republikës së Kosovës, të lidhura para hyrjes në fuqi të këtij ligji, janë të vlefshme deri në afatin e përcaktuar në ato marrëveshje në pajtim me dispozitat e lartcekura. Pas kësaj periudhe, marrëveshjet për shërbimet e veçanta lidhen sipas legjislacionit përkatës të prokurimit publik." Andaj, rrjedhë se pretendimet ankimore të ankueses janë të pabazuara.

Kolegji për shqyrtimin e ankesave pas vërtetimit të drejtë dhe të plotë të gjendjes faktike dhe konstatimit të bazës juridike si dhe duke u bazuar në kompetencën e Këshillit, vendosi si në dispozitiv të këtij vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

Këshilli i Pavarur Mbikëqyrës për Shërbimin Civil të Kosovës
Lënda me numër A.nr.352/2020, datë 23.12.2020

Sabile AVDYLI

Procesmbajtëse

Arben MEHMETI

Kryetar i Kolegjit



Vendimi i dërgohet:

- Ankuesit; N.N;
- Sekretarit të Përgjithshëm të Ministrisë së Infrastrukturës;
- Udhëheqësit të Personelit në Ministrinë e Infrastrukturës;
- Arkivit të KPMSHCK-së .

